

DEO OPTIMO MAX.

QUÆSTIO MEDICA,

CARDINALITIIS DISPUTATIONIBUS

manè discentiendâ, in Scholis Medicorum, die Martis vigesima-septimâ
mensis Maii, anno Domini M. DCC. LV.

M. JACOBO - ALBERTO HAZON,
Doctore Medico, Præside, Theses Auctore.

An Diata omnibus necessaria, magis verò Lutetiæ Parisiorum Incolis ?

I.



D vigesimum longitudinis gradum, latitudinis verò quadragesimum octavum cum quinquaginta minutis & decem secundis, sita est urbs magna, Lutetia, dicta Parisiorum, regni Francorum caput; illius encomia celebrare supervacaneum, quippe cujus fama percrebuit per totum orbem longè latèque: primâ origine exiguißima, ex quo Franci Gallias invadere, continuâ accretione pomeria sua ampliavit ampliaretque in dies, nisi Præfectus urbis & Aediles sapientibus ducti rationum momentis, illam definitis tandem circumscriptis limitibus, quos transilire nefas; ne scilicet urbs primaria mole suâ jam gravis, proprio tandem pondere laboraret.

Planâ in regione seu humili in loco residet urbs nostra, quam trajicit ab oriente ad occidentem fluvius magni nominis, Sequanam dicunt; sic enim magnæ civitates fortè populis, fluvii majoribus consociari amant, illorumque vicinitatem affectare, propter liberiores commercii facilitatem. Licet urbs nostra montium continuâ serie ex omni parte cingi atque veluti concatenari dici non possit, vicinis tamen montibus subiecta ferè undique despiciat: spatium emetitur latissimè patens, temporisque lapsu ed crevit, ut mœnibus suis, ceu carceri contineri impotens, vicus vicinos, oppidulaque proxima invaserit, sinuque suo in vasto incluserit: domus plurimis extructæ tabulatis, excelsæ admodum sunt: illius viarum quædam latissimæ, cæteræ verò angustæ undique decussantur: tanta est, urbs mater, civium tuorum tam indigenarum quàm alienigenarum continenda multitudo! viæ tum peditum quàm equitum copiâ, vecturisque omnis speciei frequentes, pluviis stillantibus, rivisque fluentibus semper irrigatæ, omni ferè tempestate madidæ sunt, lutoque perfusæ; his omnibus addas fumos è caminis numero infinitis, quasi totidem spiraculis ascendentes; jam non erit cur mireris, urbem ingrediendo longè prospiciens, aut de montibus vicinis despiciens, si illam densis quasi nebulis obrutam atque conspultam videas. Versus austrum terra est sicca & arenosa, vinetis olim luxuriabat, cætera circum uda & paludosa.

Ex hac brevi & adumbratâ sitûs urbis descriptione, sequitur; Sequanam, mediam in urbem humidos vapores continuè exhalare, halitus è montibus efflatus in urbem descendere atque resfluere, ventos in viis undique decussatis interceptos coarctari, ac proinde aërem inclusum ac incarcerationum circuitu libero non permeare.

Ast, inquiet aliquis, illud repugnat, majores nostros, locum situ suo ita iniquum elegisse, quò urbem regni caput collocarent, aut quomodo urbs tot incommodis obnoxia facta est cæterarum domina civitatum? Tandiu dum urbs nostra in suâ insulâ, quæ propriè nunc civitas dicitur, parvo in circuitu coercita fuit, Lutetia omnibus aridebat situ, quo nil erat commodius, quo nil jucundius, quo nil salubrius erat: continuæ urbis accretiones, spatium quod sensim sine sensu immensum occupavit, civiumque multitudo, sola ejus salubritati nocuere.

De his omnibus incommodis (grandium semper affectis civitatum) quidquid sit, nusquam alibi reperire est disciplinam politicam, quæ perfectius calleat artes, quæ conducunt tam ad viarum nitorem atque claritatem, quàm ad civium securitatem.

A

LUTETIÆ incolarum mores, ingenium temperamentum affectusque morbosæ regioni quam habitant, constitutionique aëris quem spirant prorsus consentanea sunt: minùs Septentrionales quàm qui ad Aquilonem magis vergunt, neque tardi neque hebetes sunt; minùs verò Australes quàm qui radiis solaribus propius accedunt, ingenii salubus, scintillis, diacitatibus non itaemicant; ingenio tamen pollent non mediocri, accincti ad laborem, in agendo prompti, perpolitì, extraneos humaniter excipere semper parati.

Parisiensium corpora minùs robusta quàm rusticorum; aëre enim utuntur neque ita puro neque ita elastico, propter rationes superius allatas; prole non beantur, Optimates præsertim, tam laudabili tamque multiplici. Mulierum graviditates molestæ, abortus frequentes, partus difficiles, plenique periculis: infantes in aëre procreati tam insalubri, nec crassi nec generosi apparent; primam hanc ætatem excruciant atque propè devastant dentitio, rachitis, scrophulæ, morbi, qui si non endemici, communes sunt heu nimium! Puellæ vix egressæ ex ephebis formam atque venustatem proferre incipiunt, at ecce pallidi colores virgineos vultus faciunt atque dehonestant, quasi pulcherrimo sexui & nativos lepores & honestam venerem inviderent.

Lutetiæ, morbi tum acuti, tum chronici, cruentas exercent tragædias; inter chronicos, præcipuos annumerabis, obstructions, hydropes, phthises, scorbutum, qui popularis est morbus, si cum continuo intentiorique frigore, annona ingravescat; affectus hystericos qui feminas nobiles præsertim & delicatulas malè torquent: in morborum acutorum funereâ classe recensabis Apoplexiam, omnes morbos inflammatorios, Parisiis quàm alibi vulgatiores, variolas mali moris, morbillos, infantum ferinas tussis atque clangosas, catharos in pulmonem, peripneumonias, febres omnis speciei, putridas præsertim, quæ ab illis quæ ruri defæviunt, in eò differunt, quòd sine exanthematibus ferè omnes invadant, propter aërem nostrum humidum & gravem; humidus enim aër sanguinis dissolutioni obstitit, illius fermentationem irretit atque sufflaminat, gravis verò poros cutis comprimendo occludit.

I I I.

MIRABITUR forsitan aliquis tot exitiosam morborum luem Lutetiæ Parisiorum incubuisse: illorum causas attentè consideret, illorum genium atque caracterem accuratè perpendat, ab eadem causâ primariâ oriri, ab eodem fonte derivare; omnes detegat: memoriâ revocat urbis regionem, situm, civium multitudinem propè innumeram, ceteraque incommoda inde sequentia quæ jam recensuimus concludetque inde aërem Parisiensem humidum esse & gravem, perspirationibus seu atomis corporum numero infinitorum hæc in urbe degentium esse imbutum, proindeque Atmospheram omnem nostram densitatem spissitudinemve contrahere sanitati prorsus nocivam: quid tum? Fibræ corporis nostri nativam amittunt molliitudinem primumve tonum diminutum sentiunt; præpeditur sanguinis circuitus, fluidis mora necitur, humores inspissantur: perspiratio imprimis, præcipuum hoc sanitatis præsidium, varias patitur mutationes, detrimentumque accipit non mediocre: morborum tot inde tum acutorum, tum chronicorum cohortes, quæ veluti obsidione miseram tenent Lutetiam, quæque principium idem, causamve eandem agnoscunt, quod sigillatim probare facile esset, si per diæteticas liceret positiones.

In omnibus ferè morbis tum acutis tum chronicis vel levibus missus sanguis, inspissationem impressam atque veluti in fluidis obsignatam denotat.

Verùm enim verò, si aër suâ qualitate vitiosus, unum eundemque tenorem servaret, tempestatum seriem efficeret æquabilem sibi invicem succedentium & in suâ varietate constantium, minor esset de aëris qualitate aut urbis situ querela: verùm perpetua est cæli conversio, nec sibi constat vespere vel mane: ibi venti nec sunt periodici, neque etiam in vis liberè permeant; ubique intercepti viarum angustia, domuum excellentie lucantur, debacchantur, aërique insinuant quasi totidem qualitates & contrarias & oppositas quarum corpora nostra sunt victimæ & ludibrium: corporis enim nostri fibræ fidibus molliores intenduntur remittunturve ad ventorum arbitrium; perspiratioque nostra tot mutationibus quot aër subicitur: ita ut corpora Lutetiæ degentia, fidibus, barometris, thermometrisve simillima ventis obtemperare cogantur: & erit unde alicui mi-

rum videatur; tot serpere morborum pestes, tot grassari epidemicas constitutiones; quarum causæ additæ medicos expertissimos, observatores fidissimos fugiunt.

Neque ex morborum discrimine duntaxat aëris Parisiensis densitatem spissitudinemve experimur: ex aëris mutatione illius mirabiles effectus multo evidentius comprobantur; sola aëris mutatio contra quorundam morborum vim, sit pharmacum eximiae virtutis maximæque potentiae: recreatur quis à morbo gravi? Languens tamen, viribusque minor, aëris mutatione fit ad sanitatem tutior breviorque reditus; benevalet aliquis? Mutati tamen cœli quanta distinctio! Rus migratur, nova subito rerum facies; ciborum major appetentia, somnus reficiens, nova alacritas, tristitiarum oblivio; in agendo promptiores atque vegetiores, novi homines efficiuntur.

Aër est instrumentum seu medium sine quo vivere non possumus, illius qualitates ad sanitatem plurimum conducunt; id jam in promptu est; aërem Parisiensem examini subijecimus atque in particulas, ut ita dicam, secimus, ut inde deduceretur diatæ Parisiensibus ritè observanda: nunc ad res alias non naturales transeundum, paucisque inquirendum quanam ratio de illis Lutetiæ habeatur aut quanam haberi oporteat.

Alimenta ad vitam & sanitatem plurimum quoque conferunt: grates referantur maximæ summæ Dei providentiæ, optimæque arti politicæ inde emananti, quæ urbis primariæ regimini præfunt: de his omnibus quæ ab hominibus expetuntur vel ad vitam necessaria, vel ad saporis dulcedinem, ex his nil omnino desideratur Lutetiæ Parisiorum: exhauriuntur camporum immensitates; sui ipsius cæteræ urbes atque provinciæ obliviscuntur, se sequæ quadantenus defraudant, dummodò urbi principi abundantius rem omnem suppeditent: ex remotissimis provinciarum finibus afferuntur cibaria Lutetiam: itinerum longinquitates de illius annonâ nihil subripiunt; quidquid Lutetiæ destinatur huc confluit, undique ad urbem asportatur; diu noctuque invigilatur, ut nihil aut necessitati aut voluptati desit; incereâ sola Lutetia dormit: pane velsimur optimo, & vili, ut plurimum, pretio: vina sat generosa: carnes tum bovinæ tum vervecinæ tum vitulinæ recentes, teneræ, maceratae, succosæ, nec majori pretio venditantur; pecoris volatilis nec venatici ulla penuria.

Quæ igitur ad civium sanitatem conduceret rerum omnium ubertas atque copia, solâ nocet intemperantiâ aëricæ vitio qui urbis situ spissus & humidus sine elasticitate atque propè sine spiritu languet: plebs pro penu egregiè potitat, optimates laurè vivunt, cives mediæ sortis abundè victitant: qui multis negotiis intricantur sudant, vigilant, defatigantur plus æquò; qui verò sunt negotiis vacui, mulieres præsertim vitam trahunt otiosam ludoque deditam.

Excreta & retenta cæterarum rerum non naturalium vitium ordinem sequuntur, in virginibus præsertim atque in mulieribus quarum vita & valetudo ab iis omnibus causis secundariis multo magis ritu physico pendent: nil mirum igitur si propter inspissatum aërem, exercitationem diminutam, alimentorum boni succi copiam majorem ingestam, perspiratio retineatur cæteraque solita excreta tum quotidiana, tum periodica difficile se habeant.

De re ultimâ non naturalium aliquid ne subjungam animi pathematibus scilicet Lutetiæ incolis quasi innatis? Singula namque animi pathemata qui vellet recensere atque depingere, vix uno volumine contineat.

Ubicumque est hominum collecta multitudo, ibi adunatæ cupiditates vires suas exerunt: hujus propositionis specimen esto Lutetia nostra.

Ibi sub specie atque larvâ pulcherrimi regiminis politici, pacis tranquillitativæ diuturnioris, ordinis optimè compositi nec violandi, urbanitatis comitativæ amabilioris, ibi, inquam, regnant cupiditatum impetus concitissimî, animorum æstus fervidissimî, negotiorum tumultus, rerumque privatarum causâ dissensiones atque discordiæ: ibi, unumquodque vitæ institutum, unaquæque conditio suis deturpatur vitiis, quæ contagio communicavit, exemplum roboravit: ibi artes analogæ, illæ scilicet quæ habent aliquid affinitatis officique communionem, quamquam sua jura definitosque limites habuerint, inter se bella movent & aperta & occulta; atque in messem alienam falcem injicere audent: ibi mala fides velata multitudine, virtutis probitatique honestam frontem præ se ferens, cautè decipit, impunè nocet.

Alt ibi quoque Parisiis, supremum urbis moderamen, fortiora opposuit vitiis repagula, arctissima injecit fræna cupiditatibus, leges fixit sapientissimas, disciplinam poli-

tiçam subtiliorem, justitiàmque severiorem adhibuit; ibi scientiæ lumen adornavit; ibi Religio piissima nuncupavit argumenta; ibi denique ordo floret saluberrimus, qui salutis humanæ invigilans, diæteticas regulas atque therapeuticas præscribit certissimas.

I V.

HACTENUS, de aëre Lutetiam Parisiorum ambiente, urbis situ, magnitudine, incolarum moribus, temperamenti, morbosisque affectibus, animi pathematibus, victûs ratione, fusè sermonem habuimus; idque efficitur, ut pateret evidentiùs, quàm sit operæ pretium dietam Lutetiæ instituire, quæ sit diæteticas adstricta legibus, prævamque ac veterem corrigat omninò vivendi normam, mutet in meliùs: vestra ergo res agitur, cives Parisienses, harumque rerum indagacionem vestrà plurimi interesse non dubitetis.

Apud omnes sanæ mentis confessa res est & manifesta, ad benè valendum, sive in urbe sive ruri sedem elegeris, in omnibus modum esse adhibendum, alimentorum delectum esse faciendum, parè cenandum, exercitatiò dandum operam, sua somno, sua vigiliis tempora esse concedenda, arcendos refranandosque vehementiores animi motus: verùm quod ubique, quod omnibus, multò magis Lutetiæ necessarium contingit: ruri enim atque campis in apertis vividus est aër, siccus, elatere suo gaudens, circuitque liberrimo; illius ope atque energiâ, coctiones, secretiones functionesque omnes ritè peraguntur; Lutetiæ è contrariò, atque in civitatibus grandioribus, ut est aër humidus, spissus, elatere minor, minorem impertitur fibris tonum, succorumque gastricorum vim minuit; ibi igitur paucioribus utendum cibis, ut quod ventriculi fermentis, digestionisque organis, vitio aëris, detrahatur, illud omne suppleat in victu temperantia: aliundè verò alimenta sunt boni succi, minori igitur quantitate ingerenda: perspiratio præterea Lutetiæ nec ità abunde, nec ità æqualiter à cutis poris exhalat quàm ruri, plenoque in aëre, propter atmospheram magis humidam frigidam & gravem: sanguinis vasa hâc suppressâ atque redundante perspirabili materiâ fœta atque turbida sunt; pertimescendum igitur, si plenior victus accedat, ne ultrâ suum tonum adducta, novo sub pondere gemant: huic perspirationis defectui, obiter dicam, tribuenda Parisiensium Plethora, seu temperamentum sanguineum, quæ venæ sectionem, tam morbis curandis, quam præveniendis sæpè necessariam indicant.

Verùm, si ad mensam quocumque tempore, non nisi comite temperantiâ accumbere debemus, cœna præsertim brevis esse debet: post cenam enim non opportuna deambulatio, solis absentia, diminuta perspiratio ventriculi vasa onerant, digestionique minùs aptum relinquunt; tot indè difficiles & operosæ digestionis, somni graves, sudores nocturni, qui corpus fatigant, nedum resciant. Disputabatur olim, utrum prandio cœna brevior deberet esse; jam nullus ambigendi locus superest, ex quo rerum magistra docuit experientia, theoriæque ratiocinia comprobavit: quot homines hâc in urbe principe, suæ sanitatis studiosi, suâ se cœnâ defraudant aut illam leviter attingunt, valentiorque fruuntur valetudine; uno verbo cœna lautior plurimis nocet, illius abstinentia nemini noxia; neque cœnæ privatio culpanda est, si Medicus quandoque plurimâ trepidatione, multoque gemitu, è gravi somno mediâ in nocte importunè suscitetur.

Alimenta debent esse simplicia facillèque parabilia; aquâ cocta vel igne tosta, quæ enim arte nimis exquisitâ multoque apparatu sunt condita, illa totidem irritamenta gulæ, fermenta ventriculi vitiant & corruptunt, facessuntque ventriculo negotium. Cremores, pultes, pistoria, novæ artis culinæ, prope dicam scariæ, inventa angue pejora evitanda sunt; sub finem epularum apposita, & suæ & præcedentium ferculorum obstant digestionis. Fructus autem, cortices & semina quibus mensæ ultimæ solent exornari, salubrius cruda aut cocta comeduntur, quàm saccharo obducta, vel aquâ vitæ condita atque conservata: heu feliciter patribus nostris incognita nostræ ætatis ars coquinaria, nostram in perniciem subtiliùs excogitata & elaborata: carnes elixæ vel assæ in uno ferculo coacervatæ atque cumulæ, in omne cedebant alimentum: æque ac nos edaces, robustiores erant; simplicius victitabant: motu & exercitatione corpus suum firmabant: vinum meracius bibebant, liquoribus ardentibus minùs delectabantur, tincturas nostras croci & aromatum vel delibare dedignabantur.

Porus Parisiis usitati, sunt aqua Sequanæ, vinum, cerevisia, succique ex pomis ex-

pressi atque fermentati : Sequana magnificè volvens aquas in alveo arenoso, limo salibusque referto, benè clarificata limoque suo defæcata, salubris est admodum, levis, dissolvens, aperiens, molliter subducens alyum, salubritatisque laude nulli inferior; in illius latice bibendo vix modum excedas.

Vina salubriorem venient in usum si à mercatoribus simul non commiserentur; aquâ plurimâ sunt temperanda atque diluenda; ne quæ sunt tartareis sæta particulis, illas in vasâ nostra deponant, atque calculum efforment, calculive materiem aggerent. Cerevisia, pomorumque succi mediâ potissimum æstate atque ardente sole, sitis extinguendæ causâ potantur apud Parisienses: inter edendum mediisque epulis debent arceri, succo enim nutritio donatæ, fermentationique proximæ alimentorum coctioni inservire non possunt; potus enim non ad nutriendum, sed ad alimentorum dissolutionem promovendam sunt à naturâ dicati.

Ea est commercii maxima utilitas, quòd homines remotissimis licet disjuncti regionibus amico fœdere sociati, mutuas sibi invicem conferant opes, divitiasque communcent: felices divitiæ quibus homines non abuterentur! Illius speciei sunt folia thé, semina caffè, amigdalæque è cacao, quæ orientales occidentalesque plagæ nobis ultrò importavere; sed inter medicamina potius recensenda, quàm inter potûs vel cibi species: nempe pro panis tantillo manè devorando, quò meridionarum epularum facilius sit expectatio, sternerit mensa, accumbitur, apponunturque thé, caffè & chocolata lactè inspissata, crassiusculisque oneratur cibus ventriculus, priùs quàm vespertinæ cœnæ digestio perfectè absolvetur; hæcque mensa matutina præcedenti officit atque subsequenti, & sic cruditates cruditatibus congeruntur, futurarum germina ægritudinum; ecquis porrò tali mensæ potissimum delectatur? Fæminæ nobiles & divites, quæ cibus minùs indigent, ut pote quæ longiori somno deditæ, desidîâ & otio disfluunt. Conventibus Deo sacris, virginibusque religiosis concedantur hæc deliciæ, per nos licet; his porrò solæ non abutuntur: vicariam enim suppleant opem mensis nimîâ fortè, aut simplicitate aut mediocritate paratis: his levibus epulis finito innocuè aut otia fallere, aut tædia solari.

Ast inquires, illa quæ inter medicamenta, quasi factâ decisione, ablegas, thé, caffè & chocolata, cum lacte epota, nonne vera sunt alimenta, aut sine lacte potûs species? Sicque nonne meritò audiunt aut alimenta medicamentosa, aut medicamenta alimentosa? Sed rem indicatam occupa, vimque nominis; cumque sint alimenta boni succi non rara, medicamentorum verò specificorum præsertim, rara suppellex, non medicamentis ne alimentosis quidem assuescendum, ne aut noceant, aut propter consuetudinem jam nihil proficiant: medicamentum igitur in alimento quæsieris, sed non alimentum in medicamento: hominum gulam! Medicamina vel salubriora, si palato paululum injucunda, non arrideant, pertinaciter respuunt; medicamina eadem, si palatum titillent suavius, usurpant in alimentum.

Innui caffè, thé & chocolata, & alia ejus modi in medicamentorum numerum esse revocanda, materiæque medicinali esse restituenda: folia thé, levi quâ pollent astrictione, partibusque suis leviter acris ac volatilibus diureticum sunt eximium; illorum virtus nitro vel arcano duplicato, melleque scillitico adjuta, asthma levat, affectibusque medetur oedematosis à levibus obstructionibus, lymphæ inspissatione, atoniæve partium oriundis: verùm quidem illud est, in aquâ solâ infusum thé, matutinisque ebibitum horis, jejuno ventriculo, plurimis mirum in modum succedere compertum est; ast inde manifestum est indicium, infusum istud lege tantum medicaminis esse sorbendum: si enim homines sibi temperarent, si gulæ imperarent, atque in cœnando potissimum sobrietatem adhiberent, non ità benè succederet hujus infusi potus dissolventis: cum enim in nihil indigestum, nihilve incoctum incurreret, in quod vires suas exereret, jam consuetudine nimis diureticum evaderet, atque propè exsiccans.

Potus caffè Apoplexiæ prophylacticum audit, hemicraniis causâ frigidâ productis optulatur; verùm sulphure acri, oleoso & volatili, quo pollet, igne atque unctione magis evoluto, sanguinem vehementissimè exagitat, dulcesque somnos arceat; istud est in ore omnium, vulgoque indubitatum, potum caffè digestioni apprimè conducere; ast primum, digestionem raro auxiliandum illi qui sobriè vivit: sed coctioni alimentorum non faret, ut plurimum, potus caffè, illam è contrario agit præcipitem: particulis enim salinis, sulphureis, nimiumque evolutis, ventriculi fibras vellicat, exsiccat, deurit, succosque ga-

fricos viciat, ipsis scilicet insinuando stimulos acres, vim deurentem; atque prope corrosivam: aliquis ne cassé potui usu diurno fuit assuescactus? Remoto hujusce potionis auxilio languebit concoctio, malèque se habebit ægrotantis instar; atqui tamen vis concoctrix alimentorum non in cassé potu, sed in ventriculi viribus sita debet esse, illiusque fermentorum potentiâ inhære: ex ventriculo autem in mesenterium, in hepar suos ignes latè ferens potus cassé, infarctus & obstructions exsiccando inducere visus est non raro. Novi ego faminam nobilissimam in florenti ætate adhuc constitutam, quæ per totum graviditatis tempus, depravato appetitu seu malaciâ, laborans, magnam cassé usi atque pulveris quantitatē devoravisset, febre hæticâ, diarrhæâ colliquativâ, tabe confecta interiit: aperto cadavere, tota intestinorum interna superficies abscessibus ulceribusque gangrænoideis passim inusta videbatur; alteram novi quæ cum temperamento admodum obesa & opima esset; cum ergâ cassé, cæco amore capta, illius magnam degustasse quantitatē per totum graviditatis tempus, maciem contraxerat propè deformem. Fateor equidem, potus cassé temperamentis quibusdam obesis, pituitosis, plethoricisque conducere potest; tumque neque alimenti, neque potus nomine, sed medicaminis viribus, commendandus venit. Ast, inquiet aliquis, potus cassé cum lacte aut etiam cremore lactis mixtus, sæpè sæpius venit in usum, tumque lac, feminis cassé vincit aculeos, vimque sulphuream retundit: sic edulcatum cassé cedit in alimentum saporis suavissimi, nutritionique aptissimum: à pastu, sic assumi non potest cassé, quin digestioni noceat; propter lactis cremorisve spissitudinem; manè verò, jejuno ventriculo assumptum, nimium nutrit, cæteris mensis nocet, appetitumque aut importunè provocat, aut hebetat; usu quoque diurno in consuetudinem abit; consuetudinis autem, usu diurno roboratæ tyrannidem norunt omnes: præterea ex lactis usu malè se habent Parisiensium plerique, quocumque modò misceatur atque temperetur: ibi enim bilis est spissa resinosa, sæpèque redundat; cum bili lac nimis analogum, illam inspissat, auget; tum porrò si fermentescere bilis incipiat, febris accenditur; aut si fermentationis expers est, obstructions parit, fastidium, morborumque semina chronicorum.

Chocolata simplex, sanitatis istud dicunt, illud scilicet, quod ex amigdalâ solâ cacao; igne tostâ, saccharoque commixtâ conficitur; duplici consistat parte, alterâ subacri & volatili, alterâ verò merè oleosâ & pingui, quæ oleum è cacao dicitur; ambæ hæ partes simul à naturâ maritatæ, arte verò facillè separabiles, componunt alimentum simul & medicamentum; illud stomacho pectorique maximè amicum laudamus: bechicum & vulnerarium meritò audit; optimèque præscribitur quibusdam in morbis ventriculi & pectoris maximè, in quibus diætæ lactea denegatur, aut temperamentum refragatur: chocolata idem cum vanillâ cæterisque ad arbitrium aromatibus conditum, analepticâ & roborante commendatur virtutè: ventriculo languenti, frigidæ intemperie laboranti, hominibus ætate provecctis atque caducis mirè opitulatur; vires dejectas erigit, labantes sulcit: ast benèvalentibus neutrum conducit chocolata in alimentum; ut potè nimium nutritis & incrassatis, Lutetiæ præsertim, ubi est aer humidus spissus & gravis.

Exercitationis non minor ratio habenda est, quam alimentorum: Lutetiæ corpus exercere necessarium magis ducimus quam ruri: Parisiis enim, propter aeris spissitudinem, gravitatem, minorem elaterem; propter alimenta boni succi, motu & exercitatione digestionum operi stimulus, secretionum tarditati calcar admovenda, perspiratio promovenda: omnibus hisce grandium civitatum incommodis, temperantia & exercitatio mederi plusquàm cætera omnia possent: verùm frigore, cœli intemperie, viis luto madentibus, segnes parisiini pedem ab ædibus efferendo deterrentur; ut pedem foris promoveant, aut negotiorum necessitate cogi, atque extrudi debent; aut serenum invitet cælum ad deambulationem necesse est: tempestas autem serena, dielæ splendefcentes ad tempus æstivum procrastinantur: interea languent homines mulieresque longo, torpentes otio, ludovè inertis tempus conterentes; quid mirum posthac, si plurimi homines subitâ, quasi fulminis ictu, percussî apoplexiâ, ad annum circiter quadragesimum-quintum, die non suo corruant; si femina non infimæ notæ, cessantibus catamenis tam malè se habeant; si tot irruant morborum tum acutorum, tum chronicorum agmina, fluidorum stasis, inspissationis, solidorumve inertie consecraria: quâ ratione illud forsitan esset exoptandum, ut Rhædarum quibus homines hæc in urbe circum quaque vehuntur, minor occurreret frequentia, homines numero plurimi, alienis semper

non ambulant pedibus. Quòdam abièrè saluberrimi illi globulorum pilarumque ludi ; nec indecori, toties patribus nostris celebrati ? Scilicet corporis nostri manuumque nostrarum vires jam sunt imbecilliores, quàm ut globulis pilisve tractandis sint habiles : mensa lusoria, sella, charta versicolor, nobis sufficiunt. Moribus nostris viribusque magis accommodata : chartam ! ludum oblectamentumve seriò dixeris ? An potiùs lucri cupidinem, laborem, studium plurium horarum, ex quibus mens defatigata, corpus verò inexercitatum recedit.

Nullibi gentium, somni vigiliarumque tempora ità inordinatè dividuntur quam Parisiis ; qui multis sunt differenti occupationibus cum aurorà surgunt, neque sat longiori indulgent somno ; qui verò sunt vacui negotiis, curarumque immunes, in multam diem somnum protrahunt : diei verò noctisque mutare vices, atque functiones à naturà dicatas invertere, id ad Optimates, peculiari quodam jure, videtur pertinere : id autem habet consuetudo, altera natura, ut ex inverso ordine, hâc in re non naturali, non tam malè afficiantur homines, quàm ab errore in rebus aliis non naturalibus.

Quantùm animi Pathemata faciant ad sanitatem convenit inter omnes : maximi igitur interest, vel animi pathemata hygieines legibus submittere, illisque regimen præscribere, Luteriæ præsertim incolis : ibi enim aggregatæ atque veluti concentratæ cupiditates omnes, deserviunt atque dominantur.

Igitur, Optimates, si sanitati suæ consultum velint, id agant, ut ad altiora semper animi non intendant, vehementioribus animi motibus parcant, ambitionem coerceant ; cum rebus domesticis rationem ponant, connubio fidem desponsatam servant scrupulosius, non ità splendide, non ità lautè mensas instruant, Plebecula sanitati suæ consulat, si in rebus omnibus modum adhibeant, temperent à vino atque liquoribus, futura cautè provideant. Qui inter magnates & plebeculam medium tenent ordinem, sanitati suæ prospicient si lucro minùs avidè inhiant, Divinæ Providentiæ magis confidant, nec tam irrequietè negotiis implicari se atque agitari sinant : cùm omnibus & ubique bene erit, si mœror atque tristitia ab omnibus exulet.

Ea enim est corporis & animi necessitudo arctaque connexio, ut animi motus ad corpus transeant, ut animi perturbationes, æconomix animalis tumultus inferant, bella discordiæque parent : perturbatis animi motibus, secretiones turbantur, vitiantur coctiones, spiritus animales languent, aut efferuntur : pacatis verò animi motibus, sedatis illius perturbationibus, omnia in statum rerum non naturalium reducuntur, aère excepto, qui nobis extraneus, nostri non est juris ; digestiones sunt laudabiles, secretiones ritè peraguntur, circuitus spirituum sanguinis & humorum passu incedunt æquabili ; corporis nostri fibræ, cùm sint neque nimis rigidæ, neque remissæ nimis, solida & fluida reciprocantur : uno verbo, frænatis vehementioribus animi motibus, domitisque cupiditatibus, corporis & animi fruimur valetudine, quantùm fieri potest, integrâ ; jam enim luctandum nobis duntaxat superest cum rebus extraneis, cœli intemperie, acrisve vitiiis ; aut cum labentibus annis, nobis invitis, fluxis atque caducis.

Sic hygieine non tantum diætetica sed etiam prophylactica meritò audit.

V.

SEVERIORIBUS diætæ legibus non Parisinos tantum indigenas, vel à longo tempore incolas, astringere convenit : diætæ sic latè sumpta magis necessaria competit Exteris, qui ex omni mundi plagâ huc consuunt visuri Luteriam, vel negotiorum necessitate compulsi, vel propter urbis celebritatem curiositate allecti ; qui enim cœlo, regioni vivendi normæ, moribusque civium sunt assueti, atque veluti coaluerunt, his omnibus non æquè afficiuntur, ac ii qui primùm hanc in urbem adventant : his igitur summopere prærium est perpendere, quænam sit cœli regionis & patriæ soli natura ex quibus profecti sunt ; illa deindè omnia conferre cum novo cœlo, novæque quam ingrediuntur tellure, ut ex insititurâ, ritèque pensitatâ comparatione, accepto consilio, diætam, vivendique modum ac rationem dirigant.

Exteri vix urbis, regni capitis salutarunt limen, stupent percussis suburbiorum urbisque magnitudine, pulchritudine, domuum excellentia : mirantur civium multitudinem propè infinitam, motumque continuum huc & illuc euntium atque redeuntium, quibus viæ videntur quasi jugiter æstare atque trepidare : ast multò magis hærent attoniti, fremitu strepituque yecturarum omnis speciei, quarum aliæ pedetentim, lento gravique passu

trahuntur & incedunt; aliæ verò fervidis agitæ rotis; ceu in circo, rapidissimè abripiuntur, tonitruque clangorem æmulantur: quibusdam viis, nocte, eodem strepitu perfonantibus, conqueruntur, Lutetiæ, ne nocte quidem, licere fomno indulgere: illorum nares odore quodam ex rivis lutoque exhalantibus feriuntur, quem cives propter consuetudinem, ne suspicantur quidem: tum suam respirationem paululum contractam & difficilem sentiunt: appetitus languet, corpus minus vegetum ingravescit; uno verbo informatum quid experiuntur, quo nec benè valeant, nec malè admodum: felices heu nimium! Primis hisce mutati cœli temporibus, si novis incolis parcat febris inimica, suis stipata symptomatis, membrorum dolore, lumborumque gravitate: accidit autem sæpe sæpius, ut negotiorum tumultus, spectaculorum incantamenta, voluptatum illecebræ quotidianè renascentes, motus & exercitatio, itinerum comites necessarii & individui, mutati cœli aërisque vitiiati incommoda abundè compensent, Parisinorumque urbanitate atque comitate deliniti, Parisios adventasse sibi gratulentur: his præmissis, illorum tamen ventriculus debilitatur, alvusque dejicitur; Sequanicas illic infusant aquas, apud Exteros enim Sequanæ fluvius malè audit; idque inagno damno sibi verti autumant, sed perperam; Extranei Parisiis semper lautè excipiuntur, illorum ventriculus malè concoquit alimenta insueta majorique copiâ ingesta: biliosa serosave colluvies congeritur: quid tum? Si Sequana fluvius amicè catharticas vires non exerat, humoresque non deturbentur, in morbos incidant gravissimos necesse est, idque vectigal apud Parisios persolvere nuncupatur.

Alienigenæ omnes, aëre Parisiensi, æque, nec pari modo tentantur: qui enim è septentrionalibus appellunt oris, minorem percipiunt differentiam ex cælo Parisiensi, quod est suo seu patrio analogum; eo duntaxat excepto, quod sit forsitan minus siccum, minus elasticum, ventisque minus persflabile: Orientales contra & Austrini aërem nostrum suo frigidiorum & humidiorum, & graviorum experiuntur; hi, præter victum, plethoræ, diminutæque perspirationi convenientem atque accommodatum, vestitu uti debent, qui sit contra aquilones sæpe inexpectatos muniendo par. Exteri omnes carnibus junioribus præsertimque inter cœnandum abstinere debent; vinum antepone Burgundiæ æduacum; aqua temperatum ferro candente extincto medicatâ.

Ubi, de dietâ, quæ à Parisiensibus tum indigenis, tum alienigenis, teneri observari quo oporteat, ad differendum me accinxî pro viribus, ea mens fuit, (ambiciosa) ut Hippocratem, medicorum faciliè principem, licet non assequendo, imitarer; qui in suis dieteticis codicibus, præcipue verò in libro de aëre, locis & aquis, omnia quæ ad hygieinam pertinent, accuratè describit; cohortaturque medicos, ut quocumque in loco, quâcumque in regione artem exercere sint parati, circumspiciant undique, scrupulosiusque investigent urbis situm atque positionem, solis aspectum, astrorum cursus, ventorum flamina, tempestatum mutationes, aëris vim, aquarum naturam, soli qualitates, civium mores; inde enim sumit indicationes quibus morbi tum endemici, tum epidemici præfentes curentur, absentes prævertantur: eoque rem adducit, ut Medicum in rebus Astronomicis peritum exoptet. » Quod si cui ista ad rerum sublimium speculationem pertinere videantur, is faciliè intelliget, ad artem medicam, astronomiam ipsam, non minimum sed plurimum potius conferre; quippè cum unâ, cum anni temporibus, hominum ventriculi mutationem accipiant. »

Tanto edocti oraculo, nostroque quantulocumque incitati exemplo, idem enitantur Medici omnes qui in quâcumque hujus regni parte medicinam faciunt, ut quantum prædesse civibus & exteris habuimus in animo, tantum & ipsi reipsâ profint.

Ergo dieta omnibus necessaria, magis verò Lutetiæ Parisiorum Incolis.

Proponebat Parisiis PETRUS - JOSEPHUS MORISOT DES LANDES,
Catalaunenſis, Saluberrimæ Facultatis Medicinæ Parisiensis
Baccalaureus, A. R. S. H. 1755,
A SEXTA AD MERIDIEM,